

# । अथ षष्ठोऽष्टकः ।

(प्रथमोऽध्यायः ॥ वर्गाः 1-40)

(33)

12

(म.8, अनु.2)

ऋषिः पर्वतः काण्वः	छन्दः उष्णिक् 1-32, उष्णिक् (शंकुमती) 33	देवता इन्द्रः
य इन्द्र सोमपातमो मदः शविष्ठु चेतति	। येना हंसि न्यश्रिणं तमीमहे	॥ 1 ॥
येना दशग्वमधिगुं वेपर्यन्तं स्वर्णरम्	। येना समुद्रमाविथा तमीमहे	॥ 2 ॥
येन सिन्धुं महीरपो रथाँइव प्रचोदयः	। पन्थामृतस्य यातवे तमीमहे	॥ 3 ॥
इमं स्तोममभिष्टये घृतं न पूतमद्रिवः	। येना नु सद्य ओजसा ववक्षिथ	॥ 4 ॥
इमं जुषस्व गिर्वणः समुद्रइव पिन्वते	। इन्द्र विश्वाभिरूतिभिर्ववक्षिथ	॥ 5 ॥
यो नो देवः परावतः सखित्वनाय मामहे	। दिवो न वृष्टिं प्रथयन्ववक्षिथ	॥ 6 ॥
ववक्षुरस्य केतव उत वज्रो गर्भस्त्योः	। यत्सूर्यो न रोदसी अवर्धयत्	॥ 7 ॥
यदि प्रवृद्ध सत्पते सहस्रं महिषाँ अघः	। आदित्त इन्द्रियं महि प्र वावृधे	॥ 8 ॥
इन्द्रः सूर्यस्य रश्मिभिर्न्यर्शसानमोषति	। अग्रिर्वनेव सासहिः प्र वावृधे	॥ 9 ॥
इयं तं ऋत्वियावती धीतिरेति नवीयसी	। सपर्यन्ती पुरुप्रिया मिमीत इत्	॥ 10 ॥
गर्भो यज्ञस्य देव्युः क्रतुं पुनीत आनुषक्	। स्तोमैरिन्द्रस्य वावृधे मिमीत इत्	॥ 11 ॥
सनिर्मित्रस्य पप्रथ इन्द्रः सोमस्य पीतये	। प्राची वाशीव सुन्वते मिमीत इत्	॥ 12 ॥
यं विप्रा उक्थवाहसोऽभिप्रमन्दुरायवः	। घृतं न पिप्य आसन्वृतस्य यत्	॥ 13 ॥
उत स्वराजे अदितिः स्तोममिन्द्राय जीजनत्	। पुरुप्रशस्तमृतयं ऋतस्य यत्	॥ 14 ॥
अभि वह्वय ऊतयेऽनूषत् प्रशस्तये	। न देव विव्रता हरी ऋतस्य यत्	॥ 15 ॥
यत्सोममिन्द्र विष्णवि यद्वा घ त्रित आप्ये	। यद्वा मरुत्सु मन्दसे समिन्दुभिः	॥ 16 ॥
यद्वा शक्र परावति समुद्रे अधि मन्दसे	। अस्माकमित्सुते रणा समिन्दुभिः	॥ 17 ॥
यद्वासि सुन्वतो वृधो यजमानस्य सत्पते	। उक्थे वा यस्य रण्यसि समिन्दुभिः	॥ 18 ॥
देवंदेवं वोऽवस इन्द्रमिन्द्रं गृणीषणि	। अधा यज्ञाय तुर्वणे व्यानशुः	॥ 19 ॥
यज्ञेभिर्यज्ञवाहसं सोमैभिः सोमपातमम्	। होत्राभिरिन्द्रं वावृधुर्व्यानशुः	॥ 20 ॥
महीरस्य प्रणीतयः पूर्वोरुत प्रशस्तयः	। विश्वा वसूनि द्वाशुषे व्यानशुः	॥ 21 ॥
इन्द्रं वृत्राय हन्तवे देवासो दधिरे पुरः	। इन्द्रं वाणीरणूषता समोजसे	॥ 22 ॥
महान्तं महिना व्यं स्तोमैर्भिवनुश्रुतम्	। अकैरभि प्र णोनुमः समोजसे	॥ 23 ॥
न यं विविक्तो रोदसी नान्तरिक्षाणि वज्रिणाम्	। अमादिदस्य तित्विषे समोजसः	॥ 24 ॥
यदिन्द्र पृतनाज्ये देवास्त्वा दधिरे पुरः	। आदित्तै हर्यता हरी ववक्षतुः	॥ 25 ॥
यदा वृत्रं नदीवृतं शवसा वज्रिन्नवधीः	। आदित्तै हर्यता हरी ववक्षतुः	॥ 26 ॥
यदा ते विष्णुरोजसा त्रीणि पदा विचक्रमे	। आदित्तै हर्यता हरी ववक्षतुः	॥ 27 ॥

यदा ते हर्षता हरी वावृधाते दिवेदिवे	आदित्ते विश्वा भुवनानि येमिरे	॥ 28 ॥
यदा ते मारुतीर्विश्वस्तुभ्यमिन्द्र नियेमिरे	आदित्ते विश्वा भुवनानि येमिरे	॥ 29 ॥
यदा सूर्यममुं दिवि शुक्रं ज्योतिरधारयः	आदित्ते विश्वा भुवनानि येमिरे	॥ 30 ॥
इमां त इन्द्र सुष्टुतिं विप्रं इयति धीतिभिः	जामिं पदेव पिप्रतीं प्राध्वरे	॥ 31 ॥
यदस्य धामनि प्रिये समीचीनासो अस्वरन्	नाभा यज्ञस्य दोहना प्राध्वरे	॥ 32 ॥
सुवीर्यं स्वश्व्यं सुगव्यमिन्द्र दद्धि नः	होतैव पूर्वचित्तये प्राध्वरे	॥ 33 ॥

(33)

13

(म.8, अनु.3)

ऋषिः नारदः काण्वः	छन्दः उष्णिक	देवता इन्द्रः
-------------------	--------------	---------------

इन्द्रः सुतेषु सोमेषु क्रतुं पुनीत उक्थ्यम्	विदे वृधस्य दक्षसो महान्नि षः	॥ 1 ॥
स प्रथमे व्योमनि देवानां सदने वृधः	सुपारः सुश्रवस्तमः समप्सुजित्	॥ 2 ॥
तमहे वाजसातय इन्द्रं भराय शुष्मिणाम्	भवां नः सुप्ने अन्तमः सखा वृधे	॥ 3 ॥
इयं त इन्द्र गिर्वणो रातिः क्षरति सुन्वतः	मन्दानो अस्य बर्हिषो वि राजसि	॥ 4 ॥
नूनं तदिन्द्र दद्धि नो यत्त्वा सुन्वन्त इमहे	रयिं नश्चित्रमा भरा स्वविदम्	॥ 5 ॥
स्तोता यत्ते विचर्षणिरतिप्रशुर्धयद्विरः	व्याइवानु रोहते जुषन्त यत्	॥ 6 ॥
प्रत्वज्जनया गिरः शृणुधी जरितुर्हवम्	मदमदे ववक्षिथा सुकृत्वने	॥ 7 ॥
क्रीळन्त्यस्य सूनृता आपो न प्रवता यतीः	अया धिया य उच्यते पतिर्दिवः	॥ 8 ॥
उतो पतिर्य उच्यते कृष्टीनामेक इद्वशी	नमोवृधैरवस्युभिः सुते रण	॥ 9 ॥
स्तुहि श्रुतं विपश्चितं हरी यस्य प्रसक्षिणा	गन्तारा दाशुषो गृहं नमस्विनः	॥ 10 ॥
तूतुजानो महेमतेऽश्वेभिः प्रुषितप्सुभिः	आ याहि यज्ञमाशुभिः शमिद्धि ते	॥ 11 ॥
इन्द्रं शविष्ठ सत्पते रयिं गृणत्सु धारय	श्रवः सूरिभ्यो अमृतं वसुत्वन्म	॥ 12 ॥
हवै त्वा सूर उदिते हवै मध्यंदिने दिवः	जुष्ठाण इन्द्र सप्तिभिर्न आ गहि	॥ 13 ॥
आ तू गहि प्र तु द्रव मत्स्वा सुतस्य गोमतः	तन्तुं तनुष्व पूर्य यथा विदे	॥ 14 ॥
यच्छक्रासि परावति यदर्वावति वृत्रहन्	यद्वा समुद्रे अन्धसोऽवितेदसि	॥ 15 ॥
इन्द्रं वर्धन्तु नो गिर इन्द्रं सुतासु इन्दवः	इन्द्रं हविष्मतीर्विशो अराणिषुः	॥ 16 ॥
तमिद्विप्रा अवस्यवः प्रत्वत्वतीभिरूतिभिः	इन्द्रं क्षोणीरवर्धयन्वयाइव	॥ 17 ॥
त्रिकद्रुकेषु चेतनं देवासो यज्ञमन्नत	तमिद्वर्धन्तु नो गिरः सदावृधम्	॥ 18 ॥
स्तोता यत्ते अनुव्रत उक्थान्यृतुथा दुधे	शुचिः पावक उच्यते सो अब्दुतः	॥ 19 ॥
तदिद्वुद्रस्य चेतति यद्दं प्रलेषु धामसु	मनो यत्रा वि तद्दुर्विचैतसः	॥ 20 ॥
यदि मे सख्यमावर इमस्य पाह्यन्धसः	येन विश्वा अति द्विषो अतारिम	॥ 21 ॥
कदा त इन्द्र गिर्वणः स्तोता भवाति शंतमः	कदा नो गव्ये अश्व्ये वसौ दधः	॥ 22 ॥

उत ते सुष्टुता हरी वृषणा वहतो रथम्	अजुर्यस्य मदिन्तमं यमीमहे	॥ 23 ॥
तमीमहे पुरुष्टुतं य्हं प्रलाभिरूतिभिः	नि बर्हिषि प्रिये संदुदधं द्विता	॥ 24 ॥
वर्धस्वा सु पुरुष्टुत ऋषिष्टुताभिरूतिभिः	धुक्षस्व पिप्युषीमिषमवा च नः	॥ 25 ॥
इन्द्र त्वमवितेदसीत्था स्तुवतो अद्रिवः	ऋतादियर्मि ते धियं मनोयुजम्	॥ 26 ॥
इह त्या संधमाद्या युजानः सोमपीतये	हरीं इन्द्र प्रतद्वसू अभि स्वर	॥ 27 ॥
अभि स्वरन्तु ये तव रुद्रासः सक्षत श्रियम्	उतो मरुत्वतीर्विशो अभि प्रयः	॥ 28 ॥
इमा अस्य प्रतूर्ययः पदं जुषन्त यद्विवि	नाभा यज्ञस्य सं दधुर्यथा विदे	॥ 29 ॥
अयं दीर्घाय चक्षसे प्राचि प्रयत्यध्वरे	मिमीते यज्ञमानुषग्विचक्ष्य	॥ 30 ॥
वृषायमिन्द्र ते रथ उतो ते वृषणा हरी	वृषा त्वं शतक्रतो वृषा हवः	॥ 31 ॥
वृषा ग्रावा वृषा मदो वृषा सोमो अयं सुतः	वृषा यज्ञो यमिन्वसि वृषा हवः	॥ 32 ॥
वृषा त्वा वृषणं हुवे वज्रिञ्चित्राभिरूतिभिः	वावन्थु हि प्रतिष्टुतिं वृषा हवः	॥ 33 ॥

(15)

14

(म.8, अनु.3)

ऋषिः गोषूक्त्यश्वसूक्तिनौ काण्वायनौ	छन्दः गायत्री	देवता इन्द्रः
यदिन्द्राहं यथात्वमीशीय वस्व एक इत्	स्तोता मे गोषखा स्यात्	॥ 1 ॥
शिक्षेयमस्मै दित्सेयं शचीपते मनीषिणे	यदहं गोपतिः स्याम्	॥ 2 ॥
धेनुष्ट इन्द्र सूनृता यजमानाय सुन्वते	गामश्वं पिप्युषीं दुहे	॥ 3 ॥
न ते वर्तास्ति राधस इन्द्र देवो न मर्त्यः	यदित्ससि स्तुतो मघम्	॥ 4 ॥
यज्ञ इन्द्रमवर्धयद्यद्भूमिं व्यवर्तयत्	चक्राण औपशं दिवि	॥ 5 ॥
वावृधानस्य ते वयं विश्वा धनानि जिग्युषः	ऊतिमिन्द्रा वृणीमहे	॥ 6 ॥
व्यंन्तरिक्षमतिरन्मदे सोमस्य रोचना	इन्द्रो यदभिनद्वलम्	॥ 7 ॥
उद्गा आजदङ्गिरोभ्य आविष्कृण्वन्गुहा सतीः	अर्वाञ्चं ननुदे वलम्	॥ 8 ॥
इन्द्रेण रोचना दिवो दृळ्हानि दंहितानि च	स्थिराणि न पराणुदे	॥ 9 ॥
अपामूर्मिर्मदन्निव स्तोम इन्द्राजिरायते	वि ते मदा अराजिषुः	॥ 10 ॥
त्वं हि स्तोमवर्धन इन्द्रास्युक्थवर्धनः	स्तोतृणामुत भद्रकृत्	॥ 11 ॥
इन्द्रमित्केशिना हरी सोमपेयाय वक्षतः	उप यज्ञं सुरार्धसम्	॥ 12 ॥
अपां फेनेन नमुचेः शिर इन्द्रोदवर्तयः	विश्वा यदजयः स्पृधः	॥ 13 ॥
मायाभिरुत्सिसृप्सत् इन्द्र घामारुरुक्षतः	अव दस्यूरधूनुथाः	॥ 14 ॥
असुन्वामिन्द्र संसदुं विषूचीं व्यनाशयः	सोमपा उत्तरो भवन्	॥ 15 ॥

(13)

15

(म.8, अनु.3)

ऋषिः गोषूक्त्यश्वसूक्तिनौ काण्वायनौ

छन्दः उष्णिक्

देवता इन्द्रः

तम्बुभि प्र गायत पुरुहूतं पुरुष्टुतम्	इन्द्रं गीर्भिस्तविषमा विवासत	॥ 1 ॥
यस्य द्विर्हसो बृहत्सहो दाधार रोदसी	गिरौरज्रा अपः स्वर्वषत्वना	॥ 2 ॥
स राजसि पुरुष्टुतं एको वृत्राणि जिघ्रसे	इन्द्र जैत्रा श्रवस्या च यन्तवे	॥ 3 ॥
तं ते मदं गृणीमसि वृषणं पृत्सु सासहिम्	उ लोककृत्वुमद्रिवो हरिश्रियम्	॥ 4 ॥
येन ज्योतीष्यायवे मनवे च विवेदिथ	मन्दानो अस्य बर्हिषो वि राजसि	॥ 5 ॥
तदद्या चित्त उक्थिनोऽनु ष्टवन्ति पूर्वथा	वृषपत्नीरपो जया दिवेदिवे	॥ 6 ॥
तव त्यदिन्द्रियं बृहत्तव शुष्ममुत क्रतुम्	वज्रं शिशाति धिषणा वरेण्यम्	॥ 7 ॥
तव द्यौरिन्द्र पौंस्यं पृथिवी वर्धति श्रवः	त्वामापः पर्वतासश्च हिन्विरे	॥ 8 ॥
त्वां विष्णुर्बृहन्क्षयो मित्रो गृणाति वरुणः	त्वां शर्धो मदत्यनु मारुतम्	॥ 9 ॥
त्वं वृषा जनानां मंहिष्ठ इन्द्र जज्ञिषे	सूत्रा विश्वा स्वपत्यानि दधिषे	॥ 10 ॥
सूत्रा त्वं पुरुष्टुतं एको वृत्राणि तोशसे	नान्य इन्द्रात्करणं भूय इन्वति	॥ 11 ॥
यदिन्द्र मन्मशस्त्वा नाना हवन्त उतये	अस्माकैभिर्नृभिरत्रा स्वर्जय	॥ 12 ॥
अरुं क्षयाय नो महे विश्वा रूपाण्याविशन्	इन्द्रं जैत्राय हर्षया शचीपतिम्	॥ 13 ॥

(12)

16

(म.8, अनु.3)

ऋषिः इरिम्बिठिः काण्वः

छन्दः गायत्री

देवता इन्द्रः

प्र सुम्राजं चर्षणीनामिन्द्रं स्तोता नव्यं गीर्भिः	नरं नृषाहं मंहिष्ठम्	॥ 1 ॥
यस्मिन्नुक्थानि रणयन्ति विश्वानि च श्रवस्या	अपामवो न समुद्रे	॥ 2 ॥
तं सुष्टुत्या विवासे ज्येष्ठराजं भरुं कृत्वुम्	महो वाजिनं सनिभ्यः	॥ 3 ॥
यस्यानूना गभीरा मदा उरवस्तरुत्राः	हर्षुमन्तः शूरसातौ	॥ 4 ॥
तमिद्धनेषु हितेष्वधिवाकाय हवन्ते	येषामिन्द्रस्ते जयन्ति	॥ 5 ॥
तमिच्च्यौलैरारयन्ति तं कृतेभिश्चर्षणयः	एष इन्द्रो वरिवस्कृत्	॥ 6 ॥
इन्द्रो ब्रह्मेन्द्र ऋषिरिन्द्रः पुरु पुरुहूतः	महान्महीभिः शचीभिः	॥ 7 ॥
स स्तोम्यः स हव्यः सत्यः सत्वा तुविकूर्मिः	एकश्चित्सन्नभिभूतिः	॥ 8 ॥
तमर्केभिस्तं सामभिस्तं गायत्रैश्चर्षणयः	इन्द्रं वर्धन्ति क्षितयः	॥ 9 ॥
प्रणेतारं वस्यो अच्छा कर्तारं ज्योतिः समत्सु	सास्र्वांसं युधामित्रान्	॥ 10 ॥
स नः पप्रिः पारयति स्वस्ति नावा पुरुहूतः	इन्द्रो विश्वा अति द्विषः	॥ 11 ॥
स त्वं न इन्द्र वाजैर्भिर्दशस्या च गातुया च	अच्छा च नः सुम्रं नैषि	॥ 12 ॥

(15)

17

(म.8, अनु.3)

ऋषिः इरिम्बिठिः काण्वः

छन्दः गायत्री 1-13, बृहती 14, सतोबृहती 15

देवता इन्द्रः

आ याहि सुषुमा हि त इन्द्र सोमं पिबा इमम्। एदं बर्हिः सदो मम ॥ 1 ॥

आ त्वां ब्रह्मयुजा हरी वहतामिन्द्र केशिना	उप ब्रह्माणि नः शृणु	॥ 2 ॥
ब्रह्माणस्त्वा वयं युजा सोमपामिन्द्र सोमिनः	सुतावन्तो हवामहे	॥ 3 ॥
आ नो याहि सुतावतोऽस्माकं सुष्टुतीरुप	पिबा सु शिप्रिन्नन्धसः	॥ 4 ॥
आ ते सिञ्चामि कुक्ष्योरनु गात्रा वि धावतु	गृभाय जिह्वया मधु	॥ 5 ॥
स्वादुष्टे अस्तु संसुदे मधुमान्तन्वेः तव	सोमः शर्मस्तु ते हृदे	॥ 6 ॥
अयमु त्वा विचर्षणे जनीरिवाभि संवृतः	प्र सोम इन्द्र सर्पतु	॥ 7 ॥
तुविग्रीवो वपोदरः सुबाहुरन्धसो मदै	इन्द्रो वृत्राणि जिघ्रते	॥ 8 ॥
इन्द्र प्रेहि पुरस्त्वं विश्वस्येशान् ओजसा	वृत्राणि वृत्रहञ्जहि	॥ 9 ॥
दीर्घस्ते अस्त्वङ्कुशो येना वसु प्रयच्छसि	यजमानाय सुन्वते	॥ 10 ॥
अयं त इन्द्र सोमो निपूतो अधि बर्हिषि	एहीमस्य द्रवा पिब	॥ 11 ॥
शाचिगो शाचिपूजनायं रणाय ते सुतः	आखण्डल प्र हूयसे	॥ 12 ॥
यस्ते शृङ्गवृषो नपात्प्रणपात्कुण्डपाय्यः	न्यस्मिन्दध्र आ मनः	॥ 13 ॥
वास्तोष्पते ध्रुवा स्थूणांसत्रं सोम्यानाम्		
द्रप्सो भेत्ता पुरां शश्वतीनामिन्द्रो मुनीनां सखा		॥ 14 ॥
पृदाकुसानुर्यजतो गवेषण एकः सन्नभि भूर्यसः		
भूर्णिमश्वं नयत्तुजा पुरो गृभेन्द्रं सोमस्य पीतये		॥ 15 ॥

(22)

18

(म.8, अनु.3)

ऋषिः इरिम्बिठिः काण्वः छन्दः उष्णिक् देवता आदित्याः 1-7,10-22, अश्विनौ 8, अग्निसूर्यानिलाः 9
--

इदं ह नूनमेषां सुम्रं भिक्षेत मर्त्यैः	आदित्यानामपूर्व्यं सवीमनि	॥ 1 ॥
अनर्वाणो ह्येषां पन्था आदित्यानाम्	अदब्धाः सन्ति पायवः सुगेवृधः	॥ 2 ॥
तत्सु नः सविता भगो वरुणो मित्रो अर्यमा	शर्म यच्छन्तु सप्रथो यदीमहे	॥ 3 ॥
देवेभिर्देव्यदितेऽरिष्टभर्मन्ना गहि	स्मत्सूरिभिः पुरुप्रिये सुशर्मभिः	॥ 4 ॥
ते हि पुत्रासो अदितेर्विदुर्द्वेषांसि योतवे	अंहोश्चिदुरुचक्रयोऽनेहसः	॥ 5 ॥
अदितिर्नो दिवा पशुमदितिर्नक्तमद्वयाः	अदितिः पात्वंहसः सदावृधा	॥ 6 ॥
उत स्या नो दिवा मतिरदितिरूत्या गमत्	सा शन्ताति मयस्करदपु स्त्रिधः	॥ 7 ॥
उत त्या दैव्या भिषजा शं नः करतो अश्विना	युयुयातामितो रपो अपु स्त्रिधः	॥ 8 ॥
शमग्रिरग्निभिः करच्छं नस्तपतु सूर्यैः	शं वातो वात्वरुपा अपु स्त्रिधः	॥ 9 ॥
अपामीवामपु स्त्रिधमपु सेधत दुर्मतिम्	आदित्यासो युयोतना नो अंहसः	॥ 10 ॥
युयोता शरुमस्मदां आदित्यास उतामतिम्	ऋधुग्द्वेषः कृणुत विश्ववेदसः	॥ 11 ॥
तत्सु नः शर्म यच्छतादित्या यन्मुमोचति	एनस्वन्तं चिदेनसः सुदानवः	॥ 12 ॥
यो नः कश्चिद्रिर्क्षति रक्षस्त्वेन मर्त्यैः	स्वैः ष एवै रिरिषीष्ट युर्जनः	॥ 13 ॥
समित्तमधर्मश्रवद्दुःशंसं मर्त्यं रिपुम्	यो अस्मन्ना दुर्हणावां उप द्वयुः	॥ 14 ॥
पाक्त्रा स्थन देवा हृत्सु जानीथ मर्त्यम्	उप द्वयुं चाद्वयुं च वसवः	॥ 15 ॥

आ शर्म पर्वतानामोतापां वृणीमहे	द्यावाक्षामारे अस्मद्रपस्कृतम्	॥ 16 ॥
ते नो भद्रेण शर्मणा युष्माकं नावा वंसवः	अति विश्वानि दुरिता पिपर्तन	॥ 17 ॥
तुचे तनायु तत्सु नो द्राघीयु आयुर्जीवसे	आदित्यासः सुमहसः कृणोतेन	॥ 18 ॥
यज्ञो हीळो वो अन्तर आदित्या अस्ति मृळत	युष्मे इद्वो अपि षसि सजात्ये	॥ 19 ॥
बृहद्वरूथं मरुतां देवं त्रातारमश्विना	मित्रमीमहे वरुणं स्वस्तये	॥ 20 ॥
अनेहो मित्रार्यमन्वद्वरुण शंस्यम्	त्रिवरूथं मरुतो यन्त नश्छर्दिः	॥ 21 ॥
ये चिद्धि मृत्युबन्धव आदित्या मनवः स्मसि	प्र सू न आयुर्जीवसे तिरेतन	॥ 22 ॥

(37)

19

(म.8, अनु.3)

ऋषिः सोभरिः काण्वः छन्दः ककुप् 1,3,5,7,9,11,13,15,17,19,21,23,25,28,30,32,36,  
सतोबृहती 2,4,6,8,10,12,14,16,18,20,22,24,26,29,31,33,35, द्विपदा विराट् 27, उष्णिक् 34,  
पङ्क्तिः 37 देवता अग्निः 1-33, आदित्याः 34-35, त्रसदस्युः पौरुकुत्स्यः 36-37

तं गूर्धया स्वर्णरं देवासो देवमरुतिं दधन्विरे	देवत्रा हव्यमोहिरे	॥ 1 ॥
विभूतरातिं विप्र चित्रशोचिषमग्निमीळिष्व यन्तुरम्		
अस्य मेधस्य सोम्यस्य सोभरे प्रेमध्वराय पूर्व्यम्		॥ 2 ॥
यजिष्ठं त्वा ववृमहे देवं देवत्रा होतारममर्त्यम्	अस्य यज्ञस्य सुक्रतुम्	॥ 3 ॥
ऊर्जो नपातं सुभगं सुदीदितिमग्निं श्रेष्ठशोचिषम्		
स नो मित्रस्य वरुणस्य सो अपामा सुम्रं यक्षते दिवि		॥ 4 ॥
यः समिधा य आहुती यो वेदेन ददाश मतो अग्रये	यो नमसा स्वध्वरः	॥ 5 ॥
तस्येदर्वन्तो रंहयन्त आशवस्तस्य द्युम्रितं यशः		
न तमंहो देवकृतं कृतश्चन न मर्त्यकृतं नशत्		॥ 6 ॥
स्वग्रयो वो अग्निभिः स्याम सूनो सहस उर्जा पते	सुवीरस्त्वमस्मयुः	॥ 7 ॥
प्रशंसमानो अतिथिर्न मित्रियोऽग्नी रथो न वेद्यः		
त्वे क्षेमासो अपि सन्ति साधवस्त्वं राजा रयीणाम्		॥ 8 ॥
सो अद्धा दाश्वध्वरोऽग्रे मर्तः सुभग स प्रशंस्यः	स धीभिरस्तु सनिता	॥ 9 ॥
यस्य त्वमूर्ध्वो अध्वराय तिष्ठसि क्षयद्वीरः स साधते		
सो अर्वाद्धिः सनिता स विपन्युभिः स शूरैः सनिता कृतम्		॥ 10 ॥
यस्याग्निर्वपुर्गृहे स्तोमं चनो दधीत विश्ववार्यः	हव्या वा वेविषद्विषः	॥ 11 ॥
विप्रस्य वा स्तुवतः सहसो यहो मक्षूतमस्य रातिषु		
अवोदेवमुपरिमर्त्य कृधि वसो विविदुषो वचः		॥ 12 ॥
यो अग्निं हव्यदातिभिर्नमोभिर्वा सुदक्षमाविवासति	गिरा वाजिरशोचिषम्	॥ 13 ॥
समिधा यो निशिती दाशददितिं धामभिरस्य मर्त्यः		
विश्वेत्स धीभिः सुभगो जना अति द्युम्रैरुद्रैव तारिषत्		॥ 14 ॥

तदग्रे द्युम्नमा भरु यत्सासहत्सदने कं चिद्विप्रिणम्	मृत्युं जनस्य दूढ्यः	॥ 15 ॥
येन चष्टे वरुणो मित्रो अर्यमा येन नासत्या भगः		
वयं तत्ते शवसा गातुवित्तमा इन्द्रत्वोता विधेमहि	॥ 16 ॥	॥ 16 ॥
ते घेदग्रे स्वाध्योर् ये त्वा विप्र निदधिरे नृचक्षसम्	विप्रासो देव सुक्रतुम्	॥ 17 ॥
त इद्वेदिं सुभग त आहुतिं ते सोतुं चक्रिरे दिवि		
त इद्वाजेभिर्जिग्युर्महद्धनं ये त्वे कामं न्येरिरे	॥ 18 ॥	॥ 18 ॥
भद्रो नो अग्निराहुतो भद्रा रातिः सुभग भद्रो अध्वरः	भद्रा उत प्रशस्तयः	॥ 19 ॥
भद्रं मनः कृणुष्व वृत्रतूर्ये येना समत्सु सासहः		
अव स्थिरा तनुहि भूरि शर्धतां वनेमा ते अभिष्टिभिः	॥ 20 ॥	॥ 20 ॥
ईळे गिरा मनुर्हितं यं देवा दूतमरुतिं न्येरिरे	यजिष्ठं हव्यवाहनम्	॥ 21 ॥
तिग्मजम्भाय तरुणाय राजते प्रयो गायस्यग्रये		
यः पिंशते सूनृताभिः सुवीर्यमग्निघृतेभिराहुतः	॥ 22 ॥	॥ 22 ॥
यदी घृतेभिराहुतो वाशीमग्निर्भरत उच्चाव च	असुरइव निर्णिजम्	॥ 23 ॥
यो हव्यान्यैरयता मनुर्हितो देव आसा सुगन्धिना		
विवासते वार्याणि स्वध्वरो होता देवो अमर्त्यः	॥ 24 ॥	॥ 24 ॥
यदग्रे मर्त्यस्त्वं स्यामहं मित्रमहो अमर्त्यः	सहसः सूनवाहुत	॥ 25 ॥
न त्वा रासीयाभिश्शस्तये वसो न पापत्वाय सन्त्य		
न मे स्तोतामतीवा न दुर्हितः स्यादग्रे न पापया	॥ 26 ॥	॥ 26 ॥
पितुर्न पुत्रः सुभृतो दुरोण आ देवाँ एतु प्र णो हविः	॥ 27 ॥	॥ 27 ॥
तवाहमग्र ऊतिभिर्नेदिष्टाभिः सचेय जोषमा वसो	सदा देवस्य मर्त्यः	॥ 28 ॥
तव क्रत्वा सनेयं तव रातिभिरग्रे तव प्रशस्तिभिः		
त्वामिदाहुः प्रमतिं वसो ममाग्रे हर्षस्व दातवे	॥ 29 ॥	॥ 29 ॥
प्र सो अग्रे तवोतिभिः सुवीराभिस्तिरते वाजभर्मभिः	यस्य त्वं सुख्यमावरः	॥ 30 ॥
तव द्रप्सो नीलवान्वाश ऋत्वियु इन्धानः सिष्ण्वा ददे		
त्वं महीनामुषसामसि प्रियः क्षपो वस्तुषु राजसि	॥ 31 ॥	॥ 31 ॥
तमार्गन्म् सोभरयः सहस्रमुष्कं स्वभिष्टिमवसे	सम्राजं त्रासदस्यवम्	॥ 32 ॥
यस्य ते अग्रे अन्ये अग्रय उपक्षितौ व्याइव		
विपो न द्युम्ना नि युवे जनानां तव क्षत्राणि वर्धयन्	॥ 33 ॥	॥ 33 ॥
यमादित्यासो अद्रुहः पारं नयथु मर्त्यम्	मघोनां विश्वेषां सुदानवः	॥ 34 ॥
युयं राजानः कं चिच्चर्षणीसहः क्षयन्तं मानुषाँ अनु		
वयं ते वो वरुण मित्रार्यमन्त्स्यामेदृतस्य रथ्यः	॥ 35 ॥	॥ 35 ॥
अदान्मे पौरुकुत्स्यः पञ्चाशतं त्रसदस्युर्वधूनाम्	मंहिष्ठो अर्यः सत्पतिः	॥ 36 ॥

उत मे प्रयियोर्वयियोः सुवास्त्वा अधि तुग्वनि ।  
तिस्रूणां सप्ततीनां श्यावः प्रणेता भुवद्वसुर्दियानां पतिः ॥ 37 ॥

(26)

20

(म.8, अनु.3)

ऋषिः सोभरिः काण्वः	छन्दः ककुप् 1,3,5,7,9,11,13,15,17,19,21,23,25,
सतोबृहती 2,4,6,8,10,12,16,18,20,22,24,26, सतोबृहती (सतोविराट्) 14	देवता मरुतः

आ गन्ता मा रिषण्यत् प्रस्थावानो मापं स्थाता समन्यवः । स्थिरा चित्रमयिष्णवः ॥ 1 ॥  
वीळुपविभिर्मरुत ऋभुक्षण आ रुद्रासः सुदीतिभिः ।  
इषा नो अद्या गता पुरुस्पृहो यज्ञमा सोभरीयवः ॥ 2 ॥  
विद्या हि रुद्रियाणां शुष्ममुग्रं मरुतां शिमीवताम् । विष्णोरेषस्य मीळुषाम् ॥ 3 ॥  
वि द्वीपानि पापतन्तिष्ठद्दुच्छुनोभे युजन्त रोदसी ।  
प्र धन्वान्यैरत शुभ्रखादयो यदेजथ स्वभानवः ॥ 4 ॥  
अच्युता चिद्धो अज्मन्ना नानदति पर्वतासो वनस्पतिः । भूमिर्यामेषु रेजते ॥ 5 ॥  
अमाय वो मरुतो यातवे द्यौर्जिहीत् उत्तरा बृहत् ।  
यत्रा नरो देदिशते तनूष्वा त्वक्षांसि बाह्वोजसः ॥ 6 ॥  
स्वधामनु श्रियं नरो महि त्वेषा अमवन्तो वृषप्सवः । वहन्ते अहुतप्सवः ॥ 7 ॥  
गोभिर्वाणो अज्यते सोभरीणां रथे कोशे हिरण्यये ।  
गोबन्धवः सुजातास इषे भुजे महान्तो नः स्परसे नु ॥ 8 ॥  
प्रति वो वृषदञ्जयो वृष्णे शर्धाय मारुताय भरध्वम् । हव्या वृषप्रयाव्ये ॥ 9 ॥  
वृष्णश्वेन मरुतो वृषप्सुना रथेन वृषनाभिना ।  
आ श्येनासो न पक्षिणो वृथा नरो हव्या नो वीतये गत ॥ 10 ॥  
समानमञ्ज्येषां वि भ्राजन्ते रुक्मासो अधि बाहुषु । दविद्युतत्यृष्टयः ॥ 11 ॥  
त उग्रासो वृषण उग्रबाहवो नकिष्टनूषु येतिरे ।  
स्थिरा धन्वान्यायुधा रथेषु वोऽनीकेष्वधि श्रियः ॥ 12 ॥  
येषामर्णो न सप्रथो नाम त्वेषं शश्वतामेकमिद्भुजे । वयो न पित्र्यं सहः ॥ 13 ॥  
तान्वन्दस्व मरुतस्तां उपं स्तुहि तेषां हि धुनीनाम् ।  
अराणां न चरमस्तदैषां दाना म्हा तदैषाम् ॥ 14 ॥  
सुभगः स व ऊतिष्वास पूर्वासु मरुतो व्युष्टिषु । यो वा नूनमुतासति ॥ 15 ॥  
यस्य वा यूयं प्रति वाजिनो नर आ हव्या वीतये गथ ।  
अभि ष द्युमैरुत वाजसातिभिः सुम्ना वो धूतयो नशत् ॥ 16 ॥  
यथा रुद्रस्य सूनवो दिवो वशन्त्यसुरस्य वेधसः । युवान्स्तथेदसत् ॥ 17 ॥  
ये चार्हन्ति मरुतः सुदानवः स्मन्मीळुषश्चरन्ति ये ।



अतश्चिदा न उप वस्यसा हृदा युवान् आ ववृध्वम्	॥ 18 ॥
यून ऊ षु नविष्ठया वृष्णाः पावकाँ अभि सोभरे गिरा । गाय गाइव चर्कषत्	॥ 19 ॥
साहा ये सन्ति मुष्टिहेव हव्यो विश्वासु पृत्सु होतृषु	
वृष्णाश्चन्द्रान्न सुश्रवस्तमान् गिरा वन्दस्व मरुतो अहं	॥ 20 ॥
गार्वाश्चिद्धा समन्यवः सजात्येन मरुतः सबन्धवः । रिहते ककुभौ मिथः	॥ 21 ॥
मर्ताश्चिद्धो नृतवो रुक्मवक्षस् उप भ्रातृत्वमारयति	
अधि नो गात मरुतः सदा हि व आपित्वमस्मि निध्रुवि	॥ 22 ॥
मरुतो मारुतस्य न आ भेषजस्य वहता सुदानवः । यूयं संखायः सप्तयः	॥ 23 ॥
याभिः सिन्धुमवथु याभिस्तूर्वथु याभिर्दशस्यथा क्रिविम्	
मयो नो भूतोतिभिर्मयोभुवः शिवाभिरसचद्विषः	॥ 24 ॥
यत्सिन्धौ यदसिक्क्र्यां यत्समुद्रेषु मरुतः सुबर्हिषः । यत्पर्वीतेषु भेषजम्	॥ 25 ॥
विश्वं पश्यन्तो बिभृथा तनूष्वा तेना नो अधि वोचत	
क्षमा रपो मरुत् आतुरस्य न इष्कर्ता विहुतं पुनः	॥ 26 ॥

| इति षष्ठाष्टके प्रथमोऽध्यायः समाप्तः ।